



XUNTA DE GALICIA

ACORDO DE COLABORACIÓN ENTRE A CONSELLERÍA DE EDUCACIÓN, UNIVERSIDADE E FORMACIÓN PROFESIONAL E A FUNDACIÓN CIDADE DA CULTURA DE GALICIA PARA O DESENVOLVEMENTO DO EVENTO “inqEDU: falemos de educación” A EXECUTAR NA CIDADE DA CULTURA DE GALICIA OS DÍAS 28 E 29 DE MAIO DE 2019.

En Santiago de Compostela, 24 de maio de 2019

REUNIDOS

Dunha parte, dona Ana Isabel Vázquez Reboredo, en calidade de directora-xerente da Fundación Cidade da Cultura de Galicia, con domicilio social no Gaiás - Cidade da Cultura de Galicia, con NIF G15721640, cargo para o que foi nomeada o día 16 de decembro de 2016, actuando no exercicio do seu cargo en función das atribucións que lle confire o Padroado da dita Fundación, acordo elevado a escritura pública en data de 19 de decembro de 2016, ante o Notario do Ilustre Colexio de D., co núm. do seu protocolo.

Doutra parte, dona Carmen Pomar Tojo, conselleira de Educación, Universidade e Formación Profesional, segundo nomeamento realizado mediante Decreto 96/2018, do 26 de setembro (DOG núm. 185, do 27 de setembro de 2018).

EXPOÑEN

Primeiro.- A Fundación Cidade da Cultura de Galicia (en diante, Fundación) foi constituída o 27 de decembro de 1999, mediante escritura pública outorgada ante o Notario de , co número do seu protocolo. Está constituída como “organización de natureza



XUNTA DE GALICIA

fundacional, de interese galego, sen ánimo de lucro, cun patrimonio afecto de maneira duradeira á realización dos fins de interese xeral propios da Institución”.

Mediante a Orde da Consellería da Presidencia, Relacións Institucionais e Administración Pública do 11 de xaneiro de 2000 (DOG núm. 11 do 18 de xaneiro), clasificouse a fundación como cultural e adscribiuse á Consellería de Cultura. Por Orde da Consellería de Cultura do 19 de xaneiro do 2000 (DOG núm. 26 do 8 de febreiro) declarouse de interese galego e inscribiuse no rexistro de fundacións desta consellería co número 73.

A Fundación ostenta a titularidade da “Cidade da Cultura de Galicia” (CdC), un innovador e vangardista complexo construtivo, de singular valor arquitectónico, deseñado por Peter Eisenman, situado no Monte Gaiás de Santiago de Compostela. A CdC inclúe diversas edificacións, infraestruturas, viarios e zonas verdes.

Segundo o artigo 6 dos estatutos constitúe o seu obxecto social *“a creación, explotación e promoción de áreas ou centros de conservación, produción, exhibición e consumo cultural, comunicativo e tecnolóxico, que constitúa un espazo multifuncional, multidisciplinar e aglutinador, propicio á interacción cultural”*.

Para a consecución dos fins mencionados no parágrafo anterior, a fundación pode realizar, entre outras, as seguintes actividades:

[...] b) As que contribúan a desempeñar un papel destacado no proceso de enriquecemento/aprendizaxe cultural da cidadanía, con especial énfase na adopción e uso das novas tecnoloxías.[...]

e) As que fomenten a interrelación e os proxectos en conxunto entre axentes de distintos



XUNTA DE GALICIA

ámbitos das industrias culturais e creativas, con especial énfase na cooperación interrexional e a colaboración pública e privada.[...]

[...] g) As que impulsen o Emprendemento empresarial no ámbito das industrias culturais e creativas, con especial énfase en proxectos que favorezan a innovación, tanto tecnolóxica como non tecnolóxica, e a súa transferencia aos sectores máis maduros do tecido produtivo, servindo como plataforma de desenvolvemento e promoción da marca país Galicia.

h) As actividades e accións que contribúan a converter á Cidade da Cultura de Galicia nun proxecto economicamente sostible e socialmente rendible, incorporando novos socios estratéxicos, tanto públicos como privados, e diversificando as fontes de financiamento para acadar a sustentabilidade do proxecto con independencia do ciclo económico.

Segundo.- Que a Consellería de Educación, Universidade e Formación Profesional é o departamento da Xunta de Galicia á que lle corresponden as competencias e funcións en materia de planificación, regulación e administración do ensino regrado en toda a súa extensión, niveis, graos, modalidades e especialidades; o ensino da lingua galega no sistema educativo regrado; a coordinación do sistema universitario; o recoñecemento, tutela e rexistro das fundacións de interese galego de carácter educativo; as competencias e funcións que lle atribúe o Decreto 268/2000, do 2 de novembro, polo que se crea o Museo Pedagóxico de Galicia, e o Decreto 214/2003, do 20 de marzo, polo que se modifica o Decreto 110/1999, do 8 de abril, polo que se crea e se regula o Consello Galego de Formación Profesional. Todo iso de conformidade co establecido na Lei orgánica 1/1981, do 6 de abril, pola que se aproba o Estatuto de autonomía de Galicia, nas leis orgánicas reguladoras do sistema educativo español e na demais normativa que sexa de aplicación.



XUNTA DE GALICIA

Terceiro.- “inquEDU. Falemos de Educación”, dentro da programación desenvolvida polo Centro de Emprendemento da Cidade da Cultura de Galicia, configúrase como un evento para compartir inquiredanzas, divulgar ideas e fomentar o debate e a reflexión sobre a educación.

Na edición do ano 2019, a primeira xornada (a desenvolverse o día 28 de maio de 2019), está adicada á poñer en coñecemento o proxecto ComunicaTedu, concurso instado pola Dirección Xeral de Educación, Formación Profesional e Innovación Educativa para centros públicos de ensino non universitario, e que, para o actual exercicio, procura dar resposta á necesidade sentida de afondar na competencia en comunicación lingüística do alumnado por parte dun conxunto numeroso de centros galegos, que manifestaron este interese a través da oferta da materia de Oratoria para a súa impartición en 1º ou 2º da ESO cunha carga horaria de unha hora semanal. Ademáis, na edición do 2019 respóndese tamén á necesidade de traballar estratexias e dinámicas que contribúan á prevención da violencia de xénero e á sensibilización da comunidade educativa cun problema de fondo calado social. En definitiva, preténdese afondar na adquisición da competencia en comunicación lingüística do alumnado ds centros públicos de ensino non universitario da Consellería de Educación, Universidade e Formación Profesional. A xornada contará con actuacións musicais, charlas motivacionais, entrevistas e entrega de premios.

A segunda xornada (día 29 de maio de 2019), está centrada na visibilización dos proxectos e iniciativas que se impulsan nos centros educativos dende a propia Secretaría Xeral de Política Lingüística.



XUNTA DE GALICIA

Cuarto.- Que a Consellería de Educación, Universidade e Formación Profesional apoia o desenvolvemento de fórmulas cooperativas co resto de administracións que permitan acadar un nivel óptimo na calidade da ensinanza non universitaria dos centros docentes públicos, e neste senso as partes asinantes coinciden en que é necesario aproveitar as celebracións do “inquEDU. Falemos de Educación” para ter unha maior transcendencia na promoción da innovación educativa, diversidade e cultura emprendedora da comunidade autónoma, cun mellor aproveitamento dos recursos dispoñibles.

Quinto.-A Lei 14/2013, do 26 de decembro, de racionalización do sector público autonómico sinala no seu artigo 14 que a Administración xeral da Comunidade Autónoma e as entidades do sector público, ou estas entre elas, poderán formalizar acordos de colaboración ou cooperación para o servizo aos intereses xerais mediante o desempeño conxunto de tarefas de interese público da súa competencia.

A colaboración ou cooperación consistirá na participación conxunta e efectiva no desenvolvemento da actividade común, mediante achegas de traballos de organización, medios persoais e materiais ou recursos financeiros para a finalidade compartida, de acordo coas respectivas competencias, e será sempre diferente das estruturas contractuais onerosas reguladas na lexislación de contratos do sector público.

Sinala ademais que a colaboración ou cooperación será compatible coa compensación dos custos reais en que unha das partes incorrese.



XUNTA DE GALICIA

Tendo en conta o anterior, a Fundación e a Consellería de Educación, Universidade e Formación Profesional, manifestan a súa vontade de colaboración no desenvolvemento desde proxecto, e con tal finalidade acordan a sinatura do presente acordo con suxeición ás seguintes

CLÁUSULAS

Primeira.- Obxecto

O obxecto do presente acordo é establecer as pautas que se seguirán na colaboración entre a Fundación e a Consellería de Educación, Universidade e Formación Profesional, para o desenvolvemento do evento ***“inqEDU: falemos de educación”*** a executar na Cidade da Cultura de Galicia os días 28 e 29 de maio de 2019.

Segunda.- Financiamento do evento.

A Fundación comprométese a asumir con cargo aos seus orzamentos para o ano 2019 o gasto que derive dos expedientes de gasto con motivo da organización do evento ***“inqEDU: falemos de educación”***, que serán igualmente tramitados e xestionados pola propia Fundación.

A Consellería de Educación, Universidade e Formación Profesional outorgará para o financiamento do evento a cantidade de 18.089,50 € (DEZAOITO MIL OITENTA E NOVE EUROS CON CINCUENTA CÉNTIMOS). O importe correspondente a esta



XUNTA DE GALICIA

achega será obxecto de retención de crédito, para a súa posterior baixa na aplicación orzamentaria 10.30.423A.628.0, código de proxecto 2016-00354, dos orzamentos da Consellería de Educación, Universidade e Formación Profesional para o ano 2019.

Este importe será ampliado no orzamento da Fundación Cidade da Cultura de Galicia, previa a correspondente modificación das transferencias de financiamento da Consellería de Cultura e Turismo a favor da Fundación Cidade da Cultura de Galicia no ano 2019.

Terceira.- Previsións de desenvolvemento

A colaboración derivada desde acordo poderá ser obxecto do desenvolvemento ulterior e concreción que sexa preciso, a través dos instrumentos ou das actuacións que se estimen necesarias para súa consecución de conformidade coa normativa vixente.

Cuarta.- Modificación, denuncia e resolución do acordo

As partes poderán modificar ou resolver o presente acordo en calquera momento por mutuo acordo. Así mesmo, poderán denunciar o presente acordo en calquera momento, por vontade expresa de calquera das partes cun preaviso de dez días naturais.

O incumprimento de calquera das obrigas contraídas no presente acordo por unha das partes facultará ás outras para resolver o mesmo, cos efectos que legalmente procedan.



XUNTA DE GALICIA

Quinta.- Comisión de seguimento

Para o desenvolvemento e bo fin deste acordo de colaboración constituirase unha comisión paritaria que velará polo cumprimento das obrigas das partes e adoptará cantas medidas e especificacións técnicas sexan precisas de cara a garantir a boa execución do acordo. A súa actuación axustarase ao establecido na Lei 40/2015, do 1 de outubro, de réxime xurídico do sector público e na Lei 16/2010, de 17 decembro, de organización e funcionamento da administración xeral e do sector público autonómico de Galicia.

A Comisión de Seguimento do presente convenio estará integrada por un mínimo de dous representantes por cada unha das partes asinantes deste convenio. Os membros desta comisión poderán ser substituídos polas persoas que estes designen. Esta comisión estará presidida por un dos representantes da Fundación Cidade da Cultura de Galicia.

Sexta.- Protección de datos

1. Tratamento de datos persoais das partes intervenientes no convenio

As partes intervenientes manifestan ter sido informadas, respecto dos seus propios datos persoais que se faciliten para a formalización e o adecuado desenvolvemento deste convenio, conforme ao disposto no artigo 13 do Regulamento 2016/679 (UE) xeral de protección de datos persoais (en diante, RXPDP). A lexitimación para o tratamento dos datos seus datos, será a execución do presente convenio.



XUNTA DE GALICIA

No caso de que, no ámbito deste convenio, os intervenientes se facilitasen respectivamente datos persoais de terceiros, incluídos os relativos ao persoal ao seu servizo, estes serán tratados para o cumprimento dunha misión de interese público ou o exercicio de poderes públicos, debendo informar previamente á súa comunicación aos interesados dos extremos previstos no devandito artigo 13.

2. Deber de confidencialidade das partes intervenientes no convenio

As partes intervenientes deberán respectar o segredo profesional e, en consecuencia, manter absoluta confidencialidade e reserva sobre a totalidade dos documentos e informacións que lle foran confiados para a formalización do convenio ou que sexan elaborados con ocasión da execución do mesmo. Así, quedan expresamente obrigadas:

- a utilizar a devandita información exclusivamente no ámbito deste convenio e para as finalidades previstas no mesmo;
- a non comunicala, nin total nin parcialmente, a ningún terceiro sen autorización expresa do emisor salvo nos casos expresamente previstos na lei, esixindo idéntico compromiso ao persoal que empregue ou co que colabore na execución do convenio;
- a facilitar o acceso á información unicamente ao persoal que a necesite para o desenvolvemento da devandita relación, a quen se comunicará a obrigaón de tratar a información á que se lles dá acceso con carácter estritamente confidencial;
- a aplicar medidas de cautela e protección e destruír en calquera momento a documentación escrita recibida se así o solicita a parte que a forneceu;



XUNTA DE GALICIA

Considerarase información confidencial aquela á que os intervenientes accedan en virtude do presente convenio, especialmente a de tipo técnico ou tecnolóxico, de produción, de mercadotecnia, administrativa, ou económico-financeira, sempre que non teña carácter público ou notorio. Este deber manterase durante un prazo mínimo de dez anos desde o coñecemento desa información.

Sétima.- Réxime xurídico e resolución de conflitos

Este acordo de colaboración ten natureza administrativa, e rexerase pola Lei 39/2015, do 1 de outubro, do procedemento administrativo común das Administracións públicas, pola Lei 40/2015, do 1 de outubro, de réxime xurídico do sector público, pola lexislación en materia de contratos do sector público e polas demais normas de dereito administrativo e, no seu defecto, polas normas de dereito privado.

As cuestións litixiosas xurdidas na aplicación do presente acordo, e non solucionadas na vía administrativa, serán resoltas pola xurisdición contencioso-administrativa.

Oitava.- Vixencia

Este acordo producirá os seus efectos a partir da data da súa sinatura, e a súa vixencia estenderase ata o momento que cese o desenvolvemento nel previsto e, en todo caso, antes da finalización do actual exercicio económico.

Novena.- Publicidade

Este convenio será obxecto de inscrición en cumprimento do establecido no artigo 15 da



XUNTA DE GALICIA

Lei 1/2016, do 18 de xaneiro, de transparencia e bo goberno e no Decreto 126/2006, do 20 de xullo, polo que se regula o Rexistro de Convenios da Xunta de Galicia.

As partes asinantes autorizan/consenten na publicidade dos seus datos persoais e demais especificacións recollidas no presente acordo de colaboración no Portal de Transparencia e Goberno Aberto.

Segundo o artigo 17 da Lei 1/2016, do 18 de xaneiro, ademais da información que debe facerse pública segundo a normativa básica en materia de transparencia, a Administración autonómica publicará o texto íntegro do acordo .

E en proba de conformidade co exposto, asinan este acordo no lugar e data sinalados

**A directora-xerente da Fundación
Cidade da Cultura de Galicia**

**A Conselleira de Educación,
Universidade e Formación Profesional**

Ana Isabel Vázquez Reboredo

Carmen Pomar Tojo